



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ**

**Ո Ր Ո Շ ՈՒ Մ
ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ**

5 փետրվարի 2024 թվական

ք.Երևան

ուսումնասիրելով թիվ ԵԴ/0635/01/23 քրեական վարույթի ընդդատության հարցը լուծելու համար Վճռաբեկ դատարանի քրեական պալատի նախագահին ուղարկելու մասին Արմավիրի մարզի առաջին ատյանի ընդհանուր իրավասության դատարանի՝ 2024 թվականի հունվարի 26-ի որոշումը,

Պ Ա Ր Զ Ե Ց Ի

Վարույթի դատավարական նախապատմությունը.

1. 2023 թվականի մարտի 30-ին Երևան քաղաքի առաջին ատյանի ընդհանուր իրավասության քրեական դատարանում ստացվել է Վլադիմիր Օգանեսի Աբոյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 182-րդ հոդվածի 1-ին մասով թիվ 65150222 (ԵԴ/0635/01/23) քրեական վարույթը:

1.1. Երևան քաղաքի առաջին ատյանի ընդհանուր իրավասության քրեական դատարանը 2023 թվականի ապրիլի 3-ին որոշում է կայացրել թիվ ԵԴ/0635/01/23

քրեական վարույթն ստանձնելու և 2023 թվականի ապրիլի 14-ին նախնական դատախոսներ նշանակելու մասին:

1.2. 2023 թվականի նոյեմբերի 17-ին թիվ ԵԴ/0635/01/23 քրեական վարույթը վերամակագրվել է Երևան քաղաքի առաջին ատյանի ընդհանուր իրավասության քրեական դատարանի դատավոր Ա.Մաթևոսյանին:

1.3. Երևան քաղաքի առաջին ատյանի ընդհանուր իրավասության քրեական դատարանը 2023 թվականի նոյեմբերի 23-ին որոշում է կայացրել թիվ ԵԴ/0635/01/23 քրեական վարույթն ստանձնելու և 2023 թվականի դեկտեմբերի 7-ին նախնական դատախոսներ նշանակելու մասին:

2. Երևան քաղաքի առաջին ատյանի ընդհանուր իրավասության քրեական դատարանը 2024 թվականի հունվարի 11-ին՝ նախնական դատախոսների ընթացքում, որոշում է կայացրել քրեական վարույթն ըստ ընդդատության Արմավիրի մարզի առաջին ատյանի ընդհանուր իրավասության դատարան փոխանցելու մասին:

3. Արմավիրի մարզի առաջին ատյանի ընդհանուր իրավասության դատարանը 2024 թվականի հունվարի 26-ին որոշում է կայացրել թիվ ԵԴ/0635/01/23 քրեական վարույթը Վճռաբեկ դատարանի քրեական պալատի նախագահին ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2024 թվականի հունվարի 30-ին:

Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.

5. 2023 թվականի մարտի 7-ի որոշմամբ Վլադիմիր Օգանեսի Աբոյանի նկատմամբ ՀՀ քրեական օրենսգրքի 182-րդ հոդվածի 1-ին մասով հանրային քրեական հետապնդում է հարուցվել հանրորեն վտանգավոր այն արարքի համար, որ *«նա ուրիշի գույքը հանձնելու պահանջ ներկայացնելու դիմադրությամբ, 2022 թվականի մարտի 16-ին Վարդան Սերյոժայի Թադևոսյանին պատկանող «Odnoklassniki.ru» կայքի անհատական էջին անձնական նամակ է ուղարկել այն մասին, որ եթե նա ռեալ զբաղվում է կոնսիլինգուսով, ապա թող դեմքը՝*

ամբողջական, լեզուն դուրս հանված վիճակում, պարզ նկարվի և ուղարկի իրեն և եթե ինքը հավանի նրան, ապա կհանդիպեն: Այնուհետև Վարդան Սերյոժայի Թադևոսյանից ստանալով պահանջված լուսանկարը՝ 16.03.2022 թվականին նա Վարդան Թադևոսյանի կողմից ուղարկված լուսանկարի վրա կապարել է վերջինիս անձը արարավորող տեղեկություններ այն մասին, որ վերջինս համասեռամուլ է և սեռական բնույթի ծառայություններ է մատուցում, և այն ներբեռնել է «Odnoklassniki.ru» սոցիալական կայքի LGBT անվամբ խմբում, հղումը հաղորդագրությամբ ուղարկելով Վարդան Թադևոսյանին և լուսանկարը ջնջելու դիմաց վերջինիցս պահանջել 10.000 ՀՀ դրամ գումար և սպառնացել, որ, եթե իր՝ Vivaro sport 34325834 հաշվին 10.000 ՀՀ դրամ գումար չփոխանցի, ապա նա լուսանկարը և իր անձն արարավորող գրառումները չի ջնջի խմբից»¹:

6. Երևան քաղաքի առաջին ատյանի ընդհանուր իրավասության քրեական դատարանը 2024 թվականի հունվարի 11-ի որոշմամբ արձանագրել է. «(...) Նախնական դատալսումների ընթացքում քննարկելով վարույթի ընդդատության հարցը Դատարանը կողմերին պարզաբանեց, որ քրեական գործի նախնական ուսումնասիրությունից ակնհայտ է, որ.

- մինչդարական վարույթի ընթացքում հնարավոր չի եղել պարզել հանցանքի կատարման վայրը (տե՛ս «Հանրային քրեական հետապնդում հարուցելու մասին» 2023 թվականի մարտի 7-ի որոշումը, ինչպես նաև թիվ 65150222 քրեական վարույթով մեղադրական եզրակացության եզրափակիչ մասը),

- թիվ ԵԴ/0635/01/23 քրեական գործով (նախաքննության համար՝ 65150222) մինչդարական վարույթն իրականացրած նախաքննության մարմինը հանդիսացել է ՀՀ քննչական կոմիտեի Արմավիրի մարզային վարչությունը, որի նստավայրը գտնվում է ՀՀ Արմավիրի մարզի առաջին ատյանի ընդհանուր իրավասության դատարանի դարական տարածքում,

- մեղադրյալ Վլադիմիր Օգանեսի Արոյանի մշտական բնակության վայրերն ըստ մեղադրական եզրակացության և նախնական դատալսումների ընթացքում վերջինի բացատրությունների՝ հանդիսացել են Վրաստանի Հանրապետության

¹ Տե՛ս վարույթի նյութեր, հատոր 2, թերթեր 225-226:

Ախալքալաքի շրջանի Բարալեթ գյուղը և ՀՀ Կոտայքի մարզի Արուվյան քաղաքի Ռոսիա փողոցի 6 շենքի 1 բնակարանը:

(...)

Դատարանն արձանագրում է, որ նախնական դատալսումների ընթացքում քննարկելով վարույթի ընդդատության հարցը, Դատարանը պարզել է, որ թիվ ԵՊ/0635/01/23 քրեական գործն ընդդատյալ է Երևան քաղաքի առաջին ատյանի ընդհանուր իրավասության քրեական դատարանին, քանի որ մինչդատական վարույթի ընթացքում առերևույթ հնարավոր չի եղել պարզել ենթադրյալ հանցանքի կատարման վայրը, և քրեական գործով մինչդատական վարույթն իրականացվել է Երևան քաղաքի առաջին ատյանի ընդհանուր իրավասության քրեական դատարանի դատական փարածքից դուրս, հետևաբար, հիմք ընդունելով ՀՀ քրեական դատավարության օրենսգրքի 261 հոդվածի 3-րդ մասի իրավակարգավորումները, թիվ ԵՊ/0635/01/23 քրեական գործը պետք է փոխանցել ՀՀ Արմավիրի մարզի առաջին ատյանի ընդհանուր իրավասության դատարան, քանի որ այդ դատարանի դատական փարածքում է գտնվում տվյալ քրեական գործով մինչդատական վարույթն իրականացրած նախաքննության մարմնի նստավայրը: (...)»²:

7. Արմավիրի մարզի առաջին ատյանի ընդհանուր իրավասության դատարանի՝ 2024 թվականի հունվարի 26-ի որոշման համաձայն. «(...) [Բ]րեական գործում առկա Վլադիմիր Օգանեսի Արոյանի որպես վկա հարցաքննության արձանագրության համաձայն (...)՝ քննիչի այն հարցադրմանը թե. «ինչ հեռախոսահամարներ եք օգտագործել Դուք 2022 թվականի մարտ-ապրիլ ամիսների ընթացքում», Վլադիմիր Օգանեսի Արոյանը պատասխանել է. «ես գտնվել եմ Վրաստանի հանրապետությունում, օգտագործել եմ վրացական հեռախոսահամար»:

Վերը նշվածից առերևույթ հետևում է, որ Վլադիմիր Օգանեսի Արոյանին մեղաազրվող արարքը ենթադրաբար կատարվել է Վրաստանի Հանրապետության փարածքում՝ 2022 թվականի մարտի 16-ին:

² Տե՛ս վարույթի նյութեր, հատոր 4, թերթեր 43-46:

Վերոգրյալի հաշվառմամբ, Դատարանը գտնում է, որ տվյալ դեպքում վարույթն ընդդադրյալ է այն դատարանին, որի դատական տարածքում է գտնվում մեղադրյալի բնակության կամ հաշվառման վերջին վայրը, քանի որ սույն դեպքում օրենսդիրը հստակ կարգավորել է, որ այլ պետության տարածքում ենթադրաբար կատարված հանցանքի վերաբերյալ վարույթն ընդդադրյալ է այն դատարանին, որի դատական տարածքում է գտնվում մեղադրյալի բնակության կամ հաշվառման վերջին վայրը, իսկ եթե հնարավոր չի եղել այն պարզել, ապա այն դատարանին, որի դատական տարածքում է գտնվում մինչդատական վարույթը վերջինս իրականացրած նախաքննության մարմնի նստավայրը:

Ըստ մեղադրական եզրակացության՝ մեղադրյալ Վլադիմիր Օգանեսի Աբոյանի բնակության վայրը՝ Կուրայքի մարզ, քաղաք Աբովյան, Ռոսիա 6-րդ շենք, 1-ին բնակարան հասցեն է, իսկ հաշվառման վայր է հանդիսանում՝ քաղաք Երևան, Դավիթաշեն վարչական շրջան, 3-րդ թաղամաս, 16-րդ շենք, 35-րդ բնակարան հասցեն:

Այս պայմաններում ակնհայտ է, որ սույն քրեական գործն ընդդադրյալ է կամ Կուրայքի մարզի առաջին արյանի ընդհանուր իրավասության դատարանին, կամ Երևան քաղաքի առաջին արյանի ընդհանուր իրավասության քրեական դատարանին: Հիշյալով պայմանավորված Դատարանը գտնում է, որ սույն դեպքում կիրառելի չեն ՀՀ քրեական դատավարության օրենսգրքի 261-րդ հոդվածի 3-րդ մասում ամրագրված տարածքային ընդդատության կանոնները: Ինչպես երևում է հիշյալ կանոնից, այն գործում է բացառապես այն դեպքում, երբ առանձին հարուցված և քննվող քրեական գործերը միացվում են մեկ վարույթում, մինչդեռ սույն դեպքում քրեական գործերի միացում տեղի չի ունեցել տարածքային սկզբունքի հաշվառմամբ, հետևաբար մինչդատական վարույթի ավարտման վայրի դատարանի կանոնը սույն դեպքում չի գործում:

Բացի այդ, Դատարանը փաստում է, որ սույն գործով ընդդատության հարցի որոշման վերաբերյալ առաջացած խնդիրը հերևանք է նաև այն քանի, որ երբ տուժող Դավիթ Ավերիսյանի հաղորդման հիման վրա հարուցված թիվ 65150222 քրեական գործի նախաքննության ընթացքում մեղադրողի կողմից 2023 թվականի փետրվարի 27-ին որոշում է կայացվել ՀՀ քրեական դատավարության օրենսգրքի

12-րդ հոդվածի 1-ին մասի 12-րդ կետով քրեական հետապնդումը դադարեցնել և նշված որոշման կայացումից հետո ՀՀ ոստիկանության Երևան քաղաքի վարչության Կենտրոնականի բաժնում տուժող Վարդան Թադևոսյանի հաղորդման հիման վրա հարուցված քրեական գործի նախաքննությունը ըստ քննչական ենթակայության պետք է ուղարկվեր ՀՀ քննչական կոմիտեի Երևան քաղաքի քննչական վարչության Երևան քաղաքի Կենտրոն և Նորք-Մարաշ վարչական շրջանների քննչական բաժին՝ հետագա նախաքննության կատարումը շարունակելու համար:

Բանն այն է, որ տուժող Վարդան Թադևոսյանի հաղորդման հիման վրա քրեական գործը հարուցվել է 25.04.2022 թվականին ՀՀ ոստիկանության Երևան քաղաքի վարչության Կենտրոնականի բաժնի կողմից և նույն օրը որոշում է կայացվել թիվ 15853022 քրեական գործը ՀՀ քննչական կոմիտեի Երևան քաղաքի քննչական վարչության Երևան քաղաքի Կենտրոն և Նորք-Մարաշ վարչական շրջանների քննչական բաժին ուղարկելու մասին և ընդունվել է քննիչ Ա.Մանուկյանի վարույթ և մինչև 14.09.2022 թվականը կատարվել է նախաքննություն:

Մինչդեռ ՀՀ քննչական կոմիտեի Արմավիրի մարզային քննչական մարմինը անտեսելով ՀՀ քրեական դատավարության օրենսգրքի 182-րդ հոդվածի 1-ին մասի դրույթների պահանջը, Դատարանն արձանագրում է, որ առանց որևէ պարզառարարության ՀՀ ոստիկանության Երևան քաղաքի վարչության Կենտրոնականի բաժնում տուժող Վարդան Թադևոսյանի հաղորդման հիման վրա հարուցված քրեական վարույթի նյութերը չի ուղարկել ըստ քննչական ենթակայության համապատասխան քննչական ստորաբաժանում, որպիսի հանգամանքը, Դատարանի գնահատմամբ, հանգեցրել է նաև քրեական վարույթի տարածքային ընդդատության փոփոխության, ինչը Դատարանի կարծիքով իրավաչափ չէ:

Դատարանը հարկ է համարում արձանագրել նաև, որ «Ընդդատություն՝ անկախ քննչական ենթակայությունից» կանոնը չի կիրառվում տարածքային ընդդատությունը որոշելու հերկյալ դեպքերում՝

1) որևէ կերպ հնարավոր չէ պարզել հանցանքի կատարման վայրը (ՀՀ քրեական դատավարության օրենսգրքի 261-րդ հոդվածի 3-րդ մաս),

2) հանցանքը ենթադրաբար կատարվել է այլ պետության տարածքում և հնարավոր չէ պարզել մեղադրյալի բնակության կամ հաշվառման վերջին վայրը (ՀՀ քրեական դատավարության օրենսգրքի 261-րդ հոդվածի 4-րդ մաս):

«Ընդդատություն՝ անկախ քննչական ենթակայությունից» կանոնը, թեև անմիջապես չի վերաբերում ՀՀ քրեական դատավարության օրենսգրքի 261-րդ հոդվածի 3-րդ և 4-րդ մասերին, սակայն դատարանը նույնիսկ այս դեպքերում, նկատի ունենալով «ընդդատություն՝ անկախ քննչական ենթակայությունից» կանոնի ընդհանուր գաղափարը և հիմք ընդունելով մեղադրյալի՝ բնական (օրինական) դատարանի սահմանադրական իրավունքը, քրեական գործը սրանալուց հետո պետք է սրուգի, թե արդյոք նախաքննության մարմինը տարածքային քննչական ենթակայության կանոնները ճիշտ է կիրառել, թե ոչ: Եթե պարզվի, որ քննչական ենթակայության կանոնների ակնհայտ սխալ կիրառման արդյունքում փոխվել է նաև տարածքային ընդդատությունը, ապա դատարանը պարտավոր է վարույթը փոխանցել այն դատարանին, որի դատական տարածքում գրավող նախաքննության մարմինը, ըստ տարածքային քննչական ենթակայության պարզաճ կանոնների, պետք է իրականացնեք մինչդատական վարույթ:

Վերոգրյալի հաշվառմամբ Դատարանը գրնում է, որ տարածքային ընդդատությունը փոխելու՝ վերը նշված նախապայմանի վերաբերյալ Երևան քաղաքի առաջին ատյանի ընդհանուր իրավասության քրեական դատարանի հետևությունները չեն բխում ՀՀ քրեական դատավարության օրենսգրքի 261-րդ հոդվածի 3-րդ մասով սահմանված պահանջից: (...)»³:

Վճռաբեկ դատարանի քրեական պալատի նախագահի հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավո՞ր է արդյոք Արմավիրի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ/0635/01/23 քրեական վարույթն

³ Տե՛ս վարույթի նյութեր, հատոր 4, թերթեր 48-59:

ընդդատյա է Երևան քաղաքի առաջին ատյանի ընդհանուր իրավասության քրեական դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

10.1. Մարդու իրավունքների եվրոպական դատարանը, *«օրենքի հիման վրա սրեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁴:*

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ *«Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:*

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ *«(...) Գործերի պարշաճ ընդդատությունը, որպես արդար դատաքննության անհրաժեշտ քաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման*

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

վրա ստեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...):»⁶:

12. Վերագրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

13. ՀՀ քրեական դատավարության օրենսգրքի 261-րդ հոդվածի համաձայն՝ «1. Առաջին ատյանի ընդհանուր իրավասության դատարանին ընդդարյա են այն վարույթները, որոնք վերաբերում են այդ դատարանի դատական փարածքում ենթադրաբար կատարված հանցանքներին՝ անկախ քննչական ենթակայության կանոններից:

2. Եթե վարույթը վերաբերում է առաջին ատյանի ընդհանուր իրավասության փարբեր դատարանների դատական փարածքներում ենթադրաբար կատարված երկու կամ ավելի հանցանքներին, ապա մեղադրանքը քննում է այն դատարանը, որի դատական փարածքում ենթադրաբար կատարվել է վերջին հանցանքը:

3. Եթե մինչդատական վարույթի ընթացքում հնարավոր չի եղել պարզել սույն հոդվածի 1-ին և 2-րդ մասերով նախատեսված՝ ենթադրյալ հանցանքների կատարման վայրը, ապա մեղադրանքը քննում է այն դատարանը, որի դատական փարածքում է գրնվում մինչդատական վարույթն իրականացրած նախաքննության մարմնի նատավայրը:

4. Այլ պերության փարածքում ենթադրաբար կատարված հանցանքի վերաբերյալ վարույթն ընդդարյա է այն դատարանին, որի դատական փարածքում է գրնվում մեղադրյալի քնակության կամ հաշվառման վերջին վայրը, իսկ եթե հնարավոր չի եղել այն պարզել, ապա այն դատարանին, որի դատական փարածքում է գրնվում մինչդատական վարույթը վերջինն իրականացրած նախաքննության մարմնի նատավայրը: (...)»

Նույն օրենսգրքի 263-րդ հոդվածի համաձայն՝ «1. Նախնական դատախոսների ընթացքում պարզելով, որ փյալ վարույթն ընդդարյա չէ իրեն, դատարանն այն որոշմամբ անհատաղ փոխանցում է ըստ ընդդարության:

(...)

4. Վարույթն ըստ ընդդարության սրացած առաջին ատյանի ընդհանուր իրավասության դատարանը մինչև նախնական դատախոսներ նշանակելը որոշում է կայացնում վարույթը Վճարբել դատարանի քրեական պալարի նախագահին ուղարկելու մասին, եթե համաձայն չէ դրա փարածքային ընդդարությանը:

(...)

6. Սույն հոդվածի 4-րդ մասով նախատեսված դեպքում՝ Վճռաբեկ դատարանի քրեական պալատի նախագահը (...) որոշումը Վճռաբեկ դատարանում ստանալու պահից հնգօրյա ժամկետում վերջնականապես լուծում է վարույթի ընդդատության հարցը: (...)»:

13.1. Վերոգրյալ իրավակարգավորումների համակարգային վերլուծությունից բխում է, որ քրեական վարույթների ընդդատության ընդհանուր այն կանոնից, որ տարածքային ընդդատությունը որոշվում է վերջին հանցանքի կատարման վայրով, օրենսդիրը նախատեսել է բացառություն այն դեպքում, երբ մինչդատական վարույթի ընթացքում հնարավոր չի եղել պարզել ենթադրյալ հանցանքների կատարման վայրը: Տվյալ պարագայում, մեղադրանքը պետք է քննի այն դատարանը, որի դատական տարածքում է գտնվում մինչդատական վարույթն իրականացրած նախաքննության մարմնի նստավայրը:

14. Սույն վարույթի նյութերի ուսումնասիրությունից երևում է, որ՝

- Վլադիմիր Օգանեսի Աբոյանի վերաբերյալ՝ ՀՀ քրեական օրենսգրքի 182-րդ հոդվածի 1-ին մասով թիվ 65150222 քրեական վարույթով նախաքննությունն իրականացվել է ՀՀ քննչական կոմիտեի Արմավիրի մարզային քննչական վարչությունում:

- Երևան քաղաքի առաջին ատյանի ընդհանուր իրավասության քրեական դատարանը, փաստելով, որ մինչդատական վարույթի ընթացքում առերևույթ հնարավոր չի եղել պարզել ենթադրյալ հանցանքի կատարման վայրը, գտել է, որ մեղադրանքը պետք է քննի ՀՀ Արմավիրի մարզի առաջին ատյանի ընդհանուր իրավասության դատարանը, քանի որ այդ դատարանի դատական տարածքում է գտնվում սույն քրեական գործով մինչդատական վարույթն իրականացրած նախաքննության մարմնի նստավայրը⁷:

- Արմավիրի մարզի առաջին ատյանի ընդհանուր իրավասության դատարանը, հիմք ընդունելով Վ.Աբոյանի ցուցմունքն այն մասին, որ 2022 թվականի մարտ-ապրիլ ամիսների ընթացքում գտնվել է Վրաստանի Հանրապետությունում, գտել է, որ Վ.Աբոյանին մեղսագրվող արարքը ենթադրաբար կատարվել է Վրաստանի

⁷ Տե՛ս սույն որոշման 6-րդ կետը:

Հանրապետության տարածքում, հետևաբար մեղադրանքը պետք է քննի այն դատարանը, որի դատական տարածքում է գտնվում մեղադրյալի բնակության կամ հաշվառման վերջին վայրը⁸:

15. Նախորդ կետում վկայակոչված փաստական հանգամանքները գնահատելով սույն որոշմամբ մեջբերված իրավադրույթների և իրավական դիրքորոշումների լույսի ներքո՝ հարկ է արձանագրել, որ Վ.Աբոյանին մեղսագրվող ենթադրյալ հանցանքի կատարման կոնկրետ վայրը պարզված չէ, հետևաբար, սույն վարույթի տարածքային ընդդատությունը որոշելիս պետք է հիմք ընդունել ՀՀ քրեական դատավարության օրենսգրքի 261-րդ հոդվածի 3-րդ մասի կարգավորումը՝ համաձայն որի՝ մեղադրանքը պետք է քննի այն դատարանը, որի դատական տարածքում է գտնվում մինչդատական վարույթն իրականացրած նախաքննության մարմնի նստավայրը: Սույն վարույթով մինչդատական վարույթն իրականացվել է ՀՀ քննչական կոմիտեի Արմավիրի մարզային քննչական վարչությունում, որի նստավայրը գտնվում է Արմավիրի մարզում:

16. Ինչ վերաբերում է Արմավիրի մարզի առաջին ատյանի ընդհանուր իրավասության դատարանի այն հետևությանը, որ Վ.Աբոյանին մեղսագրվող արարքը ենթադրաբար կատարվել է Վրաստանի Հանրապետության տարածքում՝ հարկ է արձանագրել, որ վերոնշյալ հանգամանքը **վարույթի տվյալ փուլում բավարար փաստական տվյալներով չի հիմնավորվում**, հետևաբար չի կարող քրեական վարույթի տարածքային ընդդատությունը որոշելու հիմք հանդիսանալ:

Մինևսույն ժամանակ, անդրադառնալով Արմավիրի մարզի առաջին ատյանի ընդհանուր իրավասության դատարանի այն դատողությանը, որ ՀՀ քրեական դատավարության օրենսգրքի 261-րդ հոդվածի 3-րդ մասում ամրագրված կանոնը գործում է *«բացառապես այն դեպքում, երբ առանձին հարուցված և քննվող քրեական գործերը միացվում են մեկ վարույթում»*, հարկ է նշել, որ այն հիմնավոր չէ, քանի որ ՀՀ քրեական դատավարության օրենսգրքի 261-րդ հոդվածի 3-րդ մասը վերաբերելի է նույն հոդվածի ինչպես 2-րդ, այնպես էլ 1-ին մասերով նախատեսված դեպքերին:

⁸ Տե՛ս սույն որոշման 7-րդ կետը:

Հարկ է նաև նշել, որ Արմավիրի մարզի առաջին ատյանի ընդհանուր իրավասության դատարանի այն եզրահանգումը, ըստ որի՝ դատարանը պարտավոր է վարույթը փոխանցել ըստ ընդդատության, եթե կպարզի, որ խախտվել են քննչական ենթակայության կանոնները, նույնպես ընդունելի չէ, քանի որ ՀՀ քրեական դատավարության օրենսգրքի 261-րդ հոդվածի 3-րդ և 4-րդ մասերով նման պայման նախատեսված չէ:

17. Վերոշարադրյալը հիմք է տալիս փաստելու, որ Արմավիրի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԵԴ/0635/01/23 քրեական վարույթն ընդդատյա Երևան քաղաքի առաջին ատյանի ընդհանուր իրավասության քրեական դատարանին, հիմնավոր չէ:

18. Ամփոփելով՝ գտնում եմ, որ սույն վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին:

Դեկլարվելով ՀՀ քրեական դատավարության օրենսգրքի 263-րդ հոդվածի 6-րդ մասով՝

Ո Ր Ո Շ Ե Ց Ի

Վլադիմիր Օգանեսի Աբոյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 182-րդ հոդվածի 1-ին մասով թիվ ԵԴ/0635/01/23 քրեական վարույթն ընդդատյա է Արմավիրի մարզի առաջին ատյանի ընդհանուր իրավասության դատարանին:

ՀԱՄԼԵՏ ԱՍԱՏՐՅԱՆ